

淳風章第五十七

以正治國神凝以奇用兵心明以無事取天下了性

妙法元君注曰事出於平易者為正出於權術者為奇而出於無心為無事故撫國不事張皇不矜振作而與民其者同此庸常使盡人能知能行則是以正治之矣而準此以用兵則勢有不能欲不以權術行之未克濟事故曰以奇用兵而欲胥天下從而化之使皆歸向於我正不貴乎要結招徠以有事也默化潛移而已故曰以無事取天下

吾何以知其然哉以此道得天下多忌諱居移氣而民彌貧此心易失

民多利器念念伏躍國家滋昏此性不明人多伎巧性靜性逸奇物滋起心動神疲

道藏輯要 道德經解 矣 心集一 卷之三

法令滋彰以心盜賊多有百念愈熾

又曰以正以奇以無事斯三者吾何以知其然哉以此言即以此道而知之也倘一出於有事則無論紛更多端即所為忌諱之事正復不少上多忌諱則爭言祥瑞惡聞災禳而閭閻疾苦壅於上聞民欲不貧也能乎利器即權術也上好粉飾太平則質直鮮所投合而人爭以權術償之久之君日以驕臣日以諂上下相蒙而國家欲不至於昏亂也得乎由是而遞降焉人多技巧猶其有權術也夫技巧曲藝之事似於國有利無害而不知一尚技巧則凡可矜可怪之物羣爭構之尤而效之而奇物滋起矣更由是而上焉文網日密爰書

日甚法令滋擾使下民手足均無所措則賦黃鳥鴻雁者其不相率而為盜賊也幾希矣

故聖人云我無為而民自化不尚權謀我好靜而民自正不用利器我無

事而民自富不貴奇貨我無欲而民自樸身修國治

又曰凡若此者皆有事以致之也若準無始之道以致治夫何有斯弊哉聖人知其然也而一準無為以立其本根無為則靜而少事而蒞躬行已全然無欲則民或從而化之或從而正之而以務本業不趨浮偽其富也必矣質直好義承上意旨其樸也必矣夫有事積弊若彼無事獲效若此則亦何憚而不無為讓聖人以獨至哉

道藏輯要

道德經解

堯

心集一

順化章第五十八

其政悶悶昏默其民醕醕厚渾其政察察明見其民缺缺日以疎薄禍兮

福之所倚損者益也福兮禍之所伏禍福無門惟心所召孰知其極無有邊際其無

正耶道無形體正復為奇心不可測善復為妖不可知識人之迷昧其本性其日固

久無始以來

妙法元君注曰道尚渾厚不尚精明惟渾厚者無為無為而民自化一涉精明則有為矣有為則缺陷者必多故其政悶悶者其民必醕醕也其政察察者其民必缺缺也且從事於有為者不過欲獲福而免禍耳而不知禍福雖是兩端實則一事當其有禍而福已倚於其中矣當其有福而禍已伏於